

捻香上虛無 精誠感一切 一心無二意
 願念隨煙昇 香煙昇太清 願念壽煙至
 煙御大道前 太上稱為快 旋行各三周
 功德因旋邁 三官除罪契 左神著生錄
 仙都定玉曆 記名著左契 天老刻玉籙
 冥德於金匱 燒香向空無 旋行奏至誠
 齋戒攝情念 願除億會罪 赦貫代兆軀
 從道求所知 福德當歸流 明內受吉慶
 基考一切解 是皆燒香得 知此由天師
 後世悉皆知 禮拜天師君
 不勝情喜躍

正一指教齋清旦行道儀

三儀同卷

正一救壇儀

正一醮宅儀

正一醮墓儀

正一救壇儀

夫救壇先辦水劍安地戶上具壇簡
 行道就劍水所先存思本師在西次
 存思三將軍次存思有一真官絳衣
 乘斗而至乃啓白

臣聞調陰陽者莫過乎百靈濟家國者莫逾
 於大道故碧落有災祥之變令人則之黃籙
 有拯拔之科令人修之臣雖不材竊慕玄化
 忝佩法籙叨稱治官所歷山川敢忘報效以
 今太歲某月朔某日辰謹於某州某縣鄉里
 領行法事道士若干人謹為大道弟子某為
 某事修建某齋幾日幾夜懷災却禍請福祈
 恩建立壇場依科關奏臣等涕鍊形系棲心
 靜神克期奉行敢不上聞伏惟
 太上布維新之令開覆育之恩救下真官分

忠元

司降鑒使煙雲暫息於三界風雨無施於四
 冥懺謝必聞啓傳無間臣等不勝慊切之至
 專思神念真伏待報應

次存思報應畢又存四靈畢便過壇
 簡與他人次垂手握固召四靈

東方青龍角亢之精吐雲鬱炁噉雷發聲飛
 翔八極周遊四冥來立吾左
 南方朱雀衆禽之長丹穴化生碧霄疏響奇
 彩五色神儀六象來導吾前
 西方白獸上應臂參英英素質肅肅清音威
 懾衆獸嘯動山林來侍吾右
 北方玄武太陰化生虛危表質龜蛇合形盤
 遊九地統攝百靈來從吾後
 次收兩手捧心二足丁字立呪曰
 吾召百神百神既集即當遊帶日挾月行九
 州十六神將為吾使天官地官水官同其休
 次三才步就劍水右手執劍呪曰
 五行所運火木水土金我佩剛劍禁救鬼神
 二十八宿隨吾指陳北斗七星挾輔靈真周
 流萬方百福同臻

次左手執水碗呪曰

江河淮海非巨水五龍吐出清天地大帝服之三萬年今日吾將淨扶氣急急如律令

次劍水相向稱名位

泰玄都正一手系係天師某治某祭酒亦

天三五步綱元命真人臣某

謹請東方青帝青龍衛符帶劍入吾水中

謹請南方赤帝赤龍衛符帶劍入吾水中

謹請西方白帝白龍衛符帶劍入吾水中

謹請北方黑帝黑龍衛符帶劍入吾水中

謹請中央黃帝黃龍衛符帶劍入吾水中

吾水非常之水五龍五星真氣之水吾劍非

凡之劍九鍊堅剛七星扶傍踏躡北斗跨路

魁罡太一作水周流萬方清無過水濁無過

穢以清治濁以水治穢急急如

太上老君律令攝

次法師行至天門少立存思四靈記

便誦禹步呪

乾尊曜靈坤順內營二儀交泰要合利貞配

天享地永寧肅清應感玄黃上水下震震離

坎兌翼贅扶將乾坤艮巽虎步龍驤天門地

戶人門鬼門衛我者誰昊天昊蒼今日禹步

上應天綱鬼神賓伏下辟不祥所求如願應

時靈光急急如律令

次至東北角面東請青童君

謹請東方青童君身長九千萬丈從官九千

萬人乘東方歲星之精真炁浮空而來降臨

壇所行神布炁搜索邪精驅除鬼賊有罪無

赦攝

次禹步至東南角嚔水喝攝面南請

赤童君

謹請南方赤童君身長三千萬丈從官三千

萬人乘南方熒惑星之精真炁浮空而來降

臨壇所行神布炁搜索邪精焚燒鬼賊有罪

無赦攝

次禹步至西南角嚔水攝面西請白

童君

謹請西方白童君身長七千萬丈從官七千

萬人乘西方太白星之精真炁浮空而來降

臨壇所行神布炁搜索邪精誅斬鬼賊有罪

無赦攝

次禹步至西北角嚔水攝面北請黑

童君

謹請北方黑童君身長五千萬丈從官五千

萬人乘北方辰星之精真炁浮空而來降臨

壇所行神布炁搜索邪精漂蕩鬼賊有罪無

赦攝

次禹步至于上方嚔水攝面北請黃

童君

謹請中央黃童君身長二十二萬丈從官一

十二萬人乘中央鎮星之精真炁浮空而來

降臨壇所行神布炁搜索邪精埋藏鬼賊有

罪無赦攝

次往鬼門上或地戶上步七星背建

向破旋身入斗中永斗履斗存天官

兵馬日月星宿神仙五嶽四瀆兵馬

各九億萬衆森然在目前及青龍白

虎朱雀玄武並羅列左右即再啟事

次重稱法位

太玄都正一手系係天師某治某祭酒亦

天三五步網元命真人臣某等奉為大道弟子某修建某齋幾日幾夜祈恩謝過請福禳災上請天仙兵馬九億萬眾地仙兵馬九億萬眾日月星宿兵馬九億萬眾神仙兵馬九億萬眾五嶽四瀆兵馬九億萬眾各請散振落驛風驟雷舉雨沸雲奔一合來下克以今日今時齊到此處蓋屋三重繞壇三市上張天羅下布地網九土齊功兵馬列陣於壇場之內門戶之傍井竈之間花果之下所有伏屍故氣土木百精貓鬼野道生人厭蠱為害鬼賊於道不順者收付魁罡之下入地萬丈無動無作急急如律令攝嘿水

次視劍五行呪曰

五行相推剛最特威六紀輔我三台辟非天迴地轉陰陽開闢長生度世日月同暉

次提劍擬地視之呪曰

天赦煌煌地赦正方禹步所至百鬼伏藏急急如律令攝嘿水

便殺劍後便右旋身出斗避踏星罡畢就事行道

正一教壇儀

正一天師清微弟子 洪百堅 製作

道教學術資訊網站

正一醮宅儀

凡人居宅虛耗牛馬死失田蠶不熟人口嬰害或每年有五瘟時氣及狗鼠蟲蟻作怪或犯五方十二時土財利散亡舉向不稱者以四時王相日醮之吉

淨席六領箭十二隻麻縋二十四丈青赤各六燈九盞并竹燈柱九枚杖長二尺五寸白日用燈大紫一面小紫五枚無者可香鑪五枚香一兩色絲五段青八尺赤七尺白九尺皂六尺黃五尺錢三百五十文手巾五尺漆盤三十五面乾棗七十顆栗子一升胡桃七十顆黍米飯三斗米拌三斗捻頭七十枚薄餅三十五枚麥米飯一斗豆豉一斗粟米飯一斗粳米飯一斗米五斗鏡四面并三張大盤一面紙三十二張五色石色別一斤

右件隨豐儉量之食物奠盤中

醮法於宅中庭方二丈四尺畫地為壇四季上開天門地戶人門鬼門皆以箭為之當方色縋三重欄之門安兩燈師案前一